

Juendel Sprock di FADA

“Mester educa muchanan prome cu yega na e tema di droga”



ORANJESTAD – Muchanan mester wordo educa prome den diferente area di nan crecemento y ora nan yega na e tema di droga, nan ta mas educa pa nan por tuma un decision. Esaki ta segun Juendel Sprock, kende ta director di Fundacion Anti Droga Aruba (FADA). E ta sigui splica cu na prome instante por bisa e muchanan kico cu ta, pero si nan no ta compronde e motibo pakico ta conscientisa e muchanan riba droga, ora nan yega na momento pa nan dicidi, nan por tuma e decision robes.

MESTER YEGA NA E MUCHA RIBA UN DIFERENTE MANERA
Segun Sprock, antes FADA

tabata duna charla na scol, pero esaki no ta yuda. Mester educa e hoben den un otro manera. Awor aki tin Paga Tino, cu ta un manera nobo pa duna informacion. Nan no ta yega papia di droga.

ADULTONAN CU TA CUMINSA

Tin hende cu ta uza droga pa prome biaha den un edad mas avansa. Sinembargo e efecto di esaki ta uno cu por varia. E por ta positivo of e por ta negativo. Segun Sprock, hopi biaha hende no ta yega cuminsa uza droga di biaha. Nan ta cuminsa na e parti di alcohol prome, despues sigui cu marihuana, y na final e ta avansa na droganan mas pisa. Despues di a uza un biaha,

nan mester di mas. Un hende ta bira adicto y kier mas door cu e prome sentimento cu e haya tin hende cu ta haya den diferente forma. Positivo of Negativo. Si uza alcohol of cocaina y e sentimento cu e haya e prome biaha ta uno positivo, pues a sinti hopi bon. Bo kier uza atrobe. Si e sentimento tabata malo bo no kier uza mas. Si e sentimento tabata bon e kier uza atrobe y ta busca e sentimento cu el a sinti prome biaha, pero esey no ta bin mas. Y eynan nan ta keda busca e droga bek. Ta un biaha nan ta sinti e haltura ey y esey no ta bin mas. P'esey adictonan ta purba cada rato. Si puntra dicon nan ta keda uza, ta pasobra nan kier sinti e prome haltura. Ta pa e motibo ey nan ta uza e droga cada rato pa sinti e haltura e bek. Ta mescos cu un persona cu nan ta uza droga pa prome biaha. Nan kier sinti e sentimento cu nan a sinti prome biaha y esey no ta bin mas. Esaki ta conta pa tur hende di tur edad.

E EFECTO DESASTROSO DI DROGA



Sprock a splica **BON DIA ARUBA** cu un mucha jong entre 16 y 24 aña, su cerebro no desaroya completamente. Droga su efectonan ta desastroso riba su mente. Esey ta proba cu diferente investigacion cu ta muestra cu cualkier droga, sea ta alcohol, marihuana, cocaina, den e hoben su crecemento ta desastroso. Si un hende por biba sin uza droga, y bira un juffrouw di scol, cu droga, esaki lo no por ta posibel.

FAMIANAN MESTER TA UN SOSTEN

Berdad cu hendenan mes tin gana di stop. Segun Sprock adiccion ta un malesa y ta cambia e manera cu un hende ta wak realidad y e kimiconan cu ta pasa den e cerebro cu ta impedi un persona di esey. A lo largo e persona mester di

ayudo. Akinan ta famia mester fungi como un sosten. Segun Sprock, famia hopi biaha ta esun cu tin cu hiba e persona na un instancia pa e por kik af.

INSTANCIANAN

Tin varios instancia cu ta yuda den esaki. Entre e instancianan ta haya FMAA cu ta e half-way house, Centro Colorado, Centro Dakota y tambe CAA. CAA ta e centro caminda cu por test y a base di e test ta duna ayudo ambulante.

Tambe tin Cas Elizier, Adopt an Adict, Teen Challenge entre otro. Pa un adicto yega ey, e tin mester di un push. Tin biaha nan ta lanta riba un dia cu nan kier bay, ta e momento ey mester hiba nan. No lag'e pa despues, sino e persona no ta bay mas, Sprock a conclui.

